

Hallo Berlin!

Martxoaren hasieran Alboka Musika Eskolako 33 ikaslek eta 4 irakaslek Berlinera egin zuten bidaia. “Giro ezin hobean”, hiriburu horrek eskaintzen dituen hainbat kultur ekitalditan parte hartzeko aukera izan zuten ermuarrek. Pena handiarekin inauteriez gozatu ezin izateagatik, ustekabe oso atseginak jaso zituzten ikasleek Alemanian, hala nola Katy Perryren kontzertua zuzenean ikusteko aukera.

Talde ezberdinetan banatuta, Parisetik eta Bruselatik abiatu ziren Alboka Musika Eskolako ikasleak Alemania-

rantz martxoaren 4an. Hogeita hamahiru lagunez osatutako tropelak (tartean bandako ikasleak, txistulariak eta trikitilari eta pande-



ro-joleak), Eskolako irakasle diren Silvia Izarra, Julen Izarra, Enrique Montero eta Agurtza Totorika izan zituen bidelagun. Hala ere, bidaia-

ren antolaketa aspaldi hasi zen eta detaile guztietan sekulako ilusioa ipiniz, denbora luzea eman zuten Maite Askasibarrek eta Eva Zubizarretak Berlinerako irteera hau prestatzen.

“Musika banda bat izatean, kulturarekin zerikusia zuen leku bat aukeratu behar genuen bidaia egiteko. Berlin iruditu zitzaigun aproposa eta hiri horrek hainbat ekimenetan parte hartzeko aukera eman zigun”, dio Silvia Izarrak. Eta ohiko ekimenez gain, tentsio berriei ere tartea egin ahal izan zieten. Horrela, Katy Perry abeslari kaliforniarraren kontzertua ikusi eta entzuteko aukera izan zuten ikasleek. “Sorpresa handia izan zen guretzat -dio Tamara Lorentek- ez genuen horrelakorik espero eta oso ondo pasatu genuen”.



★

BACKSTAGE
 6 - 16 URTEKOENTZAKO
ARROPA!
 Zubiaurre 30 · Ermua
 943 174 576

Pub SCORPIO

 Zubiaurre, 21
ERMUA

komunitateak
 aseguruak
San Pelayo
 aholkularitza
 fiskal eta juridikoa
 Tel./Fax. 943 17 15 65 / 943 17 25 04
 San Pelayo 6-A (Eroski gainean) 46 P.K. - Ermua

Hiriburuko monumenturik esanguratsuenak bisitatu zituzten. Besteak beste, Brandenburg-eko atea, bi Alemaniak banatzen zituen harresiaren zatiak eta museoak. Baina azken orduko gauzetarako astia izan zuten eta ikasleek jazz entzuteko gogoazaldu eta gero, Berlineko lokal tipikoenera joan eta Big Band baten kontzertua ikusi zuten. Ikasleek eu-

rek jotzen dituzten abes-
tiak entzun zituzten bertan eta horrek aho zabalik utzi zituen beste behin ere.

Metroan abesten

12 eta 22 urte bitarteko gaztetxoek hartu zuten parte bidaia honetan, nahiz eta multzorik handiena 16 eta 18 urte bitartekoa izan zen, eta horiek ingelesez komunikatzeko inongo arazorik izan ez zutenaz, hizkuntza ez

“Noizean behin ondo dator horrelako ekimenak antolatzea, ikasleentzako pizgarri dira”

zen traba izan hiriak eskaintzen zuen guztiaz gozatu ahal izateko. *“Irakasleok harrituta geratu gara. Guk ideiarik ez, eta umeek ederto egiten zuten ingelesez! Konfiantzako jendea da eta oso gustura ibili gara, primerako bidaia izan da!”*, diote.

Euren musika tresnak Berlinera eramateko aukera buruan bazerabilten ere, ezinezkoa suertatu zitzaizen, are gutxiago hegazkin konpainia merkeekin bidaiatzerakoan. Baina hala ere, ikasleek edozein txoko aprobe txatu zuten euren kante-
kin berlingarren egunak alaitzeko eta *“Oso ondo egiten duzulako...”* ha-
maika bider entzun zen martxoaren 7ra arte Berlineko kaleetan barrena. *“Metroan ere, eurek izan ziren protagonista, euren kanta eta dantzekin -dio Silviak- eta jende gehienak eurak begiratzen ematen zuen bidaia!”*.

Inauteririk ez!

Desadostasunak larunbatean heldu ziren, batzuek hemen inauteriak zirela eta, kalera irteteko gogoaz adierazi baitzuten. Joan aurretik, ikasleek bazekiten hemengo inauteriak galduko zituztela, baina momentua heltzerakoan... *“amorrua eman zien! Guk beste plan batzuk genituen zapatu gauerako, agian ez ziren eurek espero zituztenak. Gainera asko ginen eta denontzako leku aproposa topatzea ez da erreza!”*, dio Silviak. Baina domekan, aurreko egunekoak ahaztuta gustura ibili ziren berriro ere.

Horrelako bidaia urtero antolatzea ezinezkoa litzateke, neurri handi batean dirua eskatzen duelako. Halere, *“ez da erreza hain talde handia denbora luzez mantentzea, batez ere horren gaztea den jendearekin lan egiten duzuean. Horregatik, noizean behin, ondo dator horrelako ekimen bat egitea, pizgarri moduan edo”*, diote Silviak eta Maitek.

Dorleta Vidal



Ferretaria / Burdindegia

- * Burdindegia
- * Tresneria
- * Sarrailagintza
- * Giltzak / Aginte automatikoak
- * Ontziteria / Kopak / Mahai-tresnak
- * Opari artikulak

ANBOTO

Zubiaurre 25, Ermua ☎ 943 17 69 76 @ fer_anboto@hotmail.com

MALLA
ileapaindegia

Probaleku 8, behea ☎ 943 17 18 50

OUTUMURO
Kafetegia

Kafe eta tarta bereziak
Aukera handia TE eta INFUSIOETAN

Astelehenetik ostiralera getan zabaltzen dugu

0 eta 8 urte bitarteko umeentzako moda eta puerikultura

mimitos

Zapatak, pijamak,
lentzeria, aulkiak,
sehaskak, tronak...
behar duten guztia!

Eta gainera 'Hello Kitty'-ren
artikulu mordoa!

Probaleku 4, Ermua • ☎ 943 033 830